



UNIVERSITÄTS-
BIBLIOTHEK
PADERBORN

Universitätsbibliothek Paderborn


**Eyn Sermon auff das Euangelion von dem Reychen man
vnd armen Lasaro**

Luther, Martin


[Erfurt], [1523]

VD16 L 6218

urn:nbn:de:hbz:466:1-32029



Jh 5975



ERZBISCHÖFL.
AKADEMISCHE
BIBLIOTHEK
LEDSTR. 21
PADERBORN

Luther. Jungfrauen mögen Kloster verlassen 1523

Zwingli. Warnung mit den Zünften 1523

Hans Sachs über den wäydel. Mündel der
Lutherschen. 1524

Luther wider den unnen August zu Meissen 24

Jac Strauß gegen Anweisung der heiligen 23.

Diskant zwe Puren gemacht. —

Luther an die Weyßfrauen aller Städte, daß sie
Sünden verzeihen 24

Fürst P. Hulß Gebot auf dem Reichstag
1524 v. Hans Bechler

Zwei Truchsen

Luther an die Anischkinder allen von
Christen Briefen. 21.

Dem Ursprung des Melanchthon
des Alman in der Luz

Luther des quid in grip,
des quid in grip.

Jac.

—
W

—
Simon

Pat

— *u*

— *u*

— *u*

— *u*

— *u*

20
Eyn Sermon auff das Euangeli-
on von dem Keychen man vnd armen Lasaro.
Luce am xvi.

Mart. Luther



Wittenberg.

Das Geiſt für
morn aber
Reiden Capellen

o. 7. [1523]

70 18

Mart. Luther den Buch- druckern/Gnad vnd frid.

Ich bitt vmb Christus willen alle die do meyne sermon
schreyben oder fassen/ wollten sich der selben zu drucken vnd
auß zu lassenn enthaltenn/ es sey denn/das sie durch meyne
hand gefertiget odder hie zu Wittemberg durch meyn befelch
zunor gedruckt sind. Den es taug doch gar nichts/das man
das wordt Gottis so vnflüssig vnnnd vngeschickt auß lesse
gehen / das wyr nur spott vnnnd grewel drian haben. Ich
hatte gehofft/ mann solt sich hynfurt an die heylige schrifft
selb geben vnnnd meyne bücher faren lassen / nach dem sie nu
auß gedienet / vnd die hertzen ynn vnnnd zu der schrifft gefuret
haben/wilchs meyn vsach war zu schreyben meyne bücher.
Was ist's? dz mā vil bücher macht/vñ doch außser dē rechtere
heubt buch ymmer bleybt? Trinck doch so mehr auß dem
bun selbs/ als auß dē fließlin/ die dich zū bun geleitet habē.

*von lassen
in Pommern
und haben
in Bismarck
die sehr
Ewiglich*

Wills denn ich nicht anders seyn/so laß man doch
vnter meynem namen nichts auß gehen/on meyn
wissen vnd willen ynn Gottis namen. Wollt
Gott ich hett meynere bücher das mehrer
teyl widder heym/sonderlich daryn
nen ich Bapst/Concilia/vnd der
gleychen noch viel zu ge-
ben habe. Gott gebe
vns seyne gnade
Amen.

W Ir haben bis her ynn denn Euangelien gehört man/
cherley Exempel des glawbens vnnnd der liebe / Wie
denn alle Euangelia glawb vnnnd liebe leren / das yhr (hoff
ich) reichlich genüg wisset / wie keyn mensch Gott gefallen
müge/er glerwe vnd liebe denn. Nu hellt vnns der herr ynn
dießem Euangelio für eyn Exempel des glawbens vnd got/
losen stands/ das wyr auch an dem wiedderspiel vnd gegen
teyl des glawbens vnnnd der liebe / vnns schewen vnnnd deste
fleyßiger dem glawben vnnnd der liebe an hangen. Denn hie
sehen wyr eyn vrteyl Gottis vbir die glerwigen vnnnd vn/
glerwigen/ das erschrecklich vnd trostlich ist. Erschrecklich
den glawbloßen/trostlich den glerwigen. Auff das wyr aber
dasselb deste baß fassen/müssen wyr vnns dise beyde fürbil/
den/ den reichen man vnnnd den armenn Lasarum. An dem
reichen sehenn/die art des vnglawbens/an dem Lasaro die
art des glawbens.

Das erste teyll.

D En reichen man müssen wir nicht ansehen nach seyn
eußerlichem wandell/ denn er hat schaffs kleyder an/
vnd seyn leben gleyßt vnnnd scheynet hübsch/ vnnnd deckt den
wolffmeysterlich. Denn das Euangelion schillt yhn nicht/
das er/ eheburch / mord / raub / freuel odder yrgendt etwas
begangen hab/das die welt oder vernunfft taddeln möcht.
Er ist ia so erbarlich an seynem lebenn gewesen/als ihener
Phariseer/ der zwey mal ynn der woche fastet vnnnd nicht
war wie ander leutt. Denn wo er solch grobe Knoten hette
gewirckt/würde sie das Euangelion habenn anzeygt/ weyl
es yhn so genaw sucht/das es auch seyn purpur kleyd vnnnd
essenn anzeyget / das doch eußerlich ding sind/ vnnnd Gots
nicht dasselbs nach richtet. Darumb muß er gar eynen fey/
nen heyligen wandel eußerlich gefurt/vnd nach seynem vnd

26

Inh. 1. 1. 1.

Inh. 1. 1. 1.

aller ander duncken/das ganze gesetz Mofi gehalten haben.
Sondern man muß yhm yns hertz sehen vnnnd seynen
geystrichtenn. Denn das Euangelion hat scharffe augenn
vnnnd sihet tieff yns hertzen grund / taddelt auch die werck/
die vernunfft nicht taddeln kann / vnnnd sihet nicht auff die
schaffs kleyder/sondern auff die rechten fruchte des bawms
ob er gütt oder nicht gütt sey / wie der herr Matth. 7. leret.
Also wenn wyr hie an diesem reychen mann an sehen nach
den fruchten des glawbens / so werden wyr finden eyn hertz
vnnnd den bawm des vnglawbens. Denn das Euangelion
strafft yhn / das er sich teglich hatt kostlich gespeyßet vnnnd
herlich gekleydet/ wilchs doch keyn vernunfft für sonderlich
groß sund achtet. Dazzu die werck heyligenn meynen es sey
recht/vnd sie seyens werdt vnnnd habens verdienet mit yrem
heyligen lebenn/vnnnd sehen nicht/ wie sie dran sundigen mit
vnglawben.

*Kostlich speyß
vnd herliche
kleyder
wirdt gesucht
vnd erwelet
nicht dazzu
gedrungen
oder zu falls
oder ampts
halbenn/oder
seyne
nehistenn
zeu
dienst/drynnenn
gewesenn
ist/sondern
nur seyne
lust damit
gepüßt/vnnnd
yhm selbs
gelebt vnd
gedienet
hatt.*

Denn dieser reychen mann wirt nicht darumb gestrafft/
das ehr kostlich speyß vnnnd herliche kleyder braucht hadt/
Syntemal viel heyligen / Könige vnd Königynne vorzeytten
herliche kleyder getragen habē/als Salomon/ Ester/ David/
Daniel zc. Sondern das seynn hertz darnach gestandenn/
solchs gesucht/dran gehangen vnnnd erwelet/alle seyn freud/
lust vnd gefallen/ vnnnd gleych seyn abgott dran gehabt hat.
Das zeyget an Christus mit dem wort/teglich/das er teglich
also herlich gelebt hadt. Daraus man merckt/das er solch
leben mit vleys gesucht vnnnd erwelet/nicht dazzu gedrungen
oder zu falls/oder ampts halbenn/oder seynem nehistenn zeu
dienst/drynnenn gewesenn ist/sondern nur seyne lust damit
gepüßt/vnnnd yhm selbs gelebt vnd gedienet hatt.

Daran spürt man seyns hertzen heimliche funde/ den
vnglawbenn / als an der bösen frucht. Denn wo der glaw/
be ist / der fragdt nicht nach herlichenn kleyder vnnnd kostl

licher speyße/ Na nach keynem gütt/ehre/lust/gewalbt vnnnd
allem das nicht gott selber ist / sucht / tracht vnnnd hanget
an nychzen/denn an gott dem höchstenn gütt alleynn. Gilt
yhm gleych/kostlich vnd geringe speyß/herlich vnd schlech-
te kleyder. Denn ob sie gleych kostlich kleyder tragenn/ grosse
gewalt vnnnd ehre haben/so achten sie doch der keynes / son-
dern werden dazu gedungen/oder kumen zufals dazu/oder
müssens eym andern zu dienst thun. Also spricht die königyn
Esther/ das sie vngern yhre königliche krone trüg / sie musste
aber vmb des königs willen thun. Dauid were auch lieber ein
gemeyn mann gewesen / aber er must vmb gottis vnnnd des
volcks willenn könig seyn. Also haltenn sich alle gleubigen/
das sie zu der gewalt vnnnd ehre / vnd herlickeyt gezwungen
werden / vnd bleyben ymer mit dem hertzen dauon/vñ han-
delns mit eusserlichem wessen yhrem nehisten zu dienst/ Wie
der. 90. psalm sagt/ fließen euch reychtumb zu/so klebt nicks
dian mit dem hertzen.

Aber wo vnglawb ist / da fällt der mensch drauff / klebt
dian/sucht vnnnd hatt keyn ruge bis ers erlange/vnnnd wenn
ers vberkompt/so weydet vnnnd mastet er sich drynnen/ wie
eyn saw im dreeck/ vnnnd hat gleych seynn selickeyt drynnen/
fragt nicht darnach / wie seyn hertz mit got stehe/vnd was
er an dem selbenn habe vnnnd gewartenn solle / Sondern der
bauch ist seyn got. Vnnnd wen ers nicht haben kan/ dunckt
yhn/es gehe nicht recht zu. Sibe solche grewliche böse frü-
chte des vnglawbens/sibet dießer reychen mann nicht/ vnnnd
deckt sie zu/ vnd blendet sich selbs/ mit viel güeten werckenn
seyns Pharisaischem lebens / vnnnd verstockt sich selb also/
bis das da keyn lere / vermanen/ diewenn noch verheystenn
hilfft. Sibe das ist die heymliche sund/die das Euangelion
strafft vnnnd verdampft.

Daraus folget nu die andere sund / dz er der liebe gegen
seynem nehisten vergisset/ den da leßt er den armē Lazarū für
A iij

Smilhofer
Da. J. J. J.
92. J. J. J.

nehisten. Daher folget den/das er nicht sihet nach Krancken/
armen/ verachten menschen/ den er nutz seyn vnnnd wolthun
kann vnnnd solle/ sondern wirfft die augen auff/ vnnnd sihet
nur nach hohen/reychen/mechugen/dauon er selb nutz/güt/
lust vnnnd ehre haben müge.

Also sehenn wyr nun an diesem exempel dieses reychen
mans/das vnmüglich ist/Lieben/ wo nicht glawbe ist/vnd
vnmüglich/glawbenn/da nicht liebe ist/ Denn es will vnnnd
muß beydes bey eynand seyn. Vñ das eyn gleubiger ydermā
liebt/yderman dienet / eyn vnglewbiger aber yderman feynd
ist ym herten/vnnnd von yderman yhm gedienet haben will/
Vnnnd doch solch grewliche verkerete sünd alle deckt mit eyn
nem geringem scheyn seyner heuchlischenn werck mit dem
schaffs balck/gleich wie der groß vogel Straus. Der so tö
richt ist/wenn er den hals mit eym reysse deeckt/so meynt er/
das seynn ganzer leyb bedeckt sey. Ja hie sihestu/das keyn
blynder vnnnd vnbarmerziger ding sey / denn vnglawbe.
Denn hie sind die hunde / die doch das zornichste thier sind/
barmerziger vber den armen Lasarum/ denn dieser reychen
mann/ vnnnd erkennen des armen nott/vnd lecken yhm seyne
schweren/so doch der verstockte verblendte heuchler/so hart
ist/das er yhm nicht die brosamlin seyns tischs gonnet.

Dieser art des reychen heuchlers/ sind nu alle glawb/
loßenn menschen/der vnglawbe leßt sie nicht anders thun
vnnnd seyn/denn wie dieser reych man sie abmalet vnnnd an
zeygt mit seynem lebenn. Vnnnd sonderlich sind der art die
geystlichenn/wie wyr fur augenn sehen/die keyn recht arttig
güt werck nymmer thun. Sondern nur güte tage haben/
nyemandt dienen noch nütze sind/sondern von yderman yn
dienen lassenn/Rips raps nur ynn meynnenn sack/eyn ander
habe was er mag. Vnnnd ob etelich nicht habenn kostlich
speyße vnnnd kleyder/so mangeldt es doch am willenn nicht.
Den folgen denn nach die reychen/ Fursten vnnnd herren/

In a Mangel

*Das nu igit vil
scheynen vñ vil
mensch. ist in
der welt*

thun viel gutter heuchliche werck mit stifften vnd kirchenn
haben, da mit sie den grossen schalck/den wolff des vnglau-
bens decken/das sie verstoekt vnd verheretet/vnnd keynem
menschen nütze werden.

Das ander teyl.

DEn armē Lazarum müssen wir auch nicht eufferlich
an sehen mit seynem geschwer / armut vnnd kummer.
Denn viel menschen sind / die auch iamer vnnd nott leyden
vnnd doch nichts dran gewynnen. Als der kōnig Herodes
eyn böße leyden hatte/ aber da durch nichts deste besser hatte
für gott. Denn armut vnnd leyden macht nyemant ange-
neme für gott/ Sondern wer zuuor angenehme ist/ des armut
vnnd leyden ist für gott kostlich/wie Psal. 115. sagt. Der todt
seyner heyligenn ist kostlich für dem hern. Also müssen wir
auch Lazarum yns hertz sehen/ vnnd den schatz suchen/ der
seyne schwerenn so kostlich gemacht hat. Das ist aber seynn
glawbe vnnd liebe gewislich gewesen. Denn on glawben
kan mann gott nicht gefallen. Ebre. 11. Darumb muß seyn
hertz also gestanden seynn / das er auch mitten ynn solchem
armut vnnd elend/ sich zu Gott alles güttē versehen vnnd
trostlich sich auff yhn verlassen hat/ an wileher gütte vnnd
gnade er yhm hatt so reychlichen lassen benügen / vnd solch
ein gefallen dran gehabt / das er hertzlich gerne noch mehr
iamers hette gelitten/ wenn der wille seyns gnedigen Gottis
das gewollt hette. Siche/das ist eyn rechter lebendiger glaw-
be/ der yhm durch erkenntnis gotlicher gütte seynn hertz er-
weyche hatt/ das yhm nichts zu schwer/noch zu viel gewes-
sen were zu leyden vnnd zu thun. Eyn solch geschickt hertz
macht der glawbe/wenn er Gottis gnaden fület.

Darauf folget nu die annder tugenth/ nemlich/ die liebe
zum nehisten / das er auch willig vnnd bereyt gewesen ist
ydr ma

handwritten note:
Laut magt hrb
re fitem no 177
1772

Yderman zu dienen. Aber weyl er arm vnd elend ist/hatt er nichts/da mit er dienen kund. Darumb wirt seyn güter will für die thatt gerechnet. Aber diesen mangell eypliches dienst/erstattet er gar reichlich/durch eyn geystlichen dienst. Denn izund nach seyn todt/ dienet er der ganzen welt mit seynen schweren/hunger vnd elend. Seyn leyplicher hunger speyset vnsern geystlichen hunger/seyne leypliche bloßheyt speyset vnser geystliche bloßheyt / seyne leypliche schweren/ heyle vnser geystliche schweren/da mit / das er vnns mit seynem Exempelleret vnd tröstet / wie Gott eyn gefallen an vnns habe/wens vnns vbel gehet auff erdenn/so wyr glewbenn/ Vnd vns warnet/wie Got eyn zorn habe vber vns/ wens vnns wol gehet ym unglawbenn/gleich wie Gott an yhm ynn seynem elend gefallen vnd am reichen man ein missfallen gehabt hatt.

Sage myr / wilcher könig vermöchte mit alle seynem güte/aller welt eyn solchen dienst thun/ als diser arme Lasarus mit seynen schweren/hunger vnd armut than hatt. O der wunderbarlichenn werck vnd vteyl Gottis / wie schendet er so meysterlich die kläge nerrynn die vernunfft vnd wellliche weyßheyt. Sie gehet daher vnd sihet lieber die schöne purpur des reichen mans / denn die wunden des armen Lasarus/ sie sihet lieber eyn gesund schon mensch/ vnd stopfft yhr nasen zu für dem stancf seyner wunden/ vnd wendet die augenn vnn seyner bloße / ynn des leste sie Gott gehen die grosse nerrynn für solchem edlen schatz vber/ vnd vteylt ymmer für sich ynn der stille seyn vteyl / vnd macht die weyle denn armen menschen so theur vnd kostlich/das darnach alle könige nicht würdig sind / yhm zu dienen vnd seyne schweren zu wisschenn. Denn wilcher könig (meynstu) würde izund nicht auß ganzem hertzen seyn gesundheyt/purpur vnd krone für die schweren/ armut vnd elend diß Lasarus/gern gebenn / wens yhm werdenn möcht.

B

Lige vnter

Vnd wilcher mensch ist / der izt auch eyn dieck geben wolt
für die purpur vnd ganzen reychtum dieses reychen?

Meinstu nicht / das dieser reycher selbs / wenn er nicht
so blind gewesen were / vnd gewisste hette / das solch eynn
schatz / so eyn theurer man für Gottis augen / für seyner thür
lege / er were hynausß gelauffen / hett yhm seyne schweren ge-
wisschet vnd geküßet / ynn seyn bestes bett gelegt? alle seyn
purpur vnd reychtum hett yhm must dienen. Aber zu der
zeyt / da gottis vteyl gieng / sahe ers nicht / da ers thun kund /
Da dacht Gott / Wolan / du sollt auch nicht werd seyn / das
du yhm dienest. Darnach nu das gericht vnd werck Gottis
ausß ist / sibet sich die klüge nerryn vmb / vnd nu er ynn der
helle leydet / gebe er gern hauß vnd hoff / dem er zuvor nicht
eyn bissen brots geben wolle / Vnd begert nu / das yhm La-
sarus mit dem eussersten teyl des fingers seyn zungenn küle /
den er zuvor nicht anrühren wolle.

Dem wack

Sibe solchs vteyls vnd wercks macht Got noch teg-
lich die wellt voll / vnd nyemant sibet es / vnd ydermann
verachtet es. Da sind für vnßern augen / arme vnd dürff-
rige / die Gott als den grösten schatz vnns für legt / aber wyr
thun die augen zu gegen sie / vnd sehen nicht / was Gott da
macht / hynden nach / wenn Gott nu außgemacht hatt / vnd
wyr den schatz verseumet haben / so komen wyr denn / vnd
wollen dienen / so ist zu lange geharret. So sahenn wyr
denn an / vnd machen heyligthum auß yhren kleydern / vnd
schuchen / vnd gefessen / vnd richten walfartten an / bawen
Kirchen auff yhre greber / vnd habenn viel zu schaffen mit
dem narren werck / spottenn vnns selbs / das wyr die leben-
digen heyligen mit füßen tretten / vnd verderben haben las-
senn / vnd nu yhre kleyder / da es nicht note noch nutz ist /
ehren / das vns freylich vnns herr / das vteyl sellen wirdt
Matth. 23. Weh euch schuffte glerenn / yhr heuchler / die
yhr barret der Prophetenn greber vnd schmückte sie / Wer

*vng gütlich
gottis zorn*

al inf. zorn

Veter haben sie tödtet/so bawet yhr yhre greber/so bekennet
yhr selbs/das yhr Kinder seydt/dere/die die Propheten tödtet
haben/denn sie haben sie tödtet/so bawet yhr yhre greber.

Dieser artte des armen Lasars sind alle gleybigen/ vnnnd
sind alle sampt rechte Lasari / Denn sie sind gleyches glaw/
bens/synnes vnnnd willens/ wie dieser Lasarus. Vnnnd wer
nicht eyn Lasarus seyn wirt/ der wirdt gewislich mit dem
reychen schwelger ynn der hellen glüt seyn teyl haben. Denn
wyr müssen alle/ wie Lasarus / mit rechtem glawben auff
Gott trawen/yhm vnns ergeben / nach alle seynem willens
mit vns zu handeln / vnnnd bereyett seyn yderman zcu dienen/
Vnnnd ob wyr nicht alle solche schweren ann armut leyden/
so muß doch der selb will vnnnd meynung ynn vnns seyn/die
ynn Lasaro waren/ solchs gerne anzunehmen/ wo es Gott
wollt. Denn solch armut des geysts / kan wol ynn grossen
gütern stehen/Wie Job/Dauid/ Abraham arm vnnnd reych
gewessen sind. Denn Dauid spricht Psal. 38. Ich byn eyn
gast vnnnd frembdling für dyr / wie alle meyne Vetter. Wie
gieng das zu/ so er doch eyn könig war vnd groß land vnnnd
stedt hatte? Aber er hieng nicht dran mit dem hertzen/ vnd
war yhm eben als nichts/ für dem güte für Gott. Also heet
er auch vonn seyner gesundheyt gesagt/das yhm eben so viel
als nichts were gegen der gesundheyt für Gott/ vnnnd hete
wolmöcht leyden auch eußerliche schweren vñ krankheyt.

Also auch Abraham / ob er wollt solch armutth vnnnd
krankheyt nicht hatte/wie Lasarus / hatte er doch eben
den synn vnnnd willen/ die selben vonn Gott anzunehmen/
denn Lasarus hatte/ wenn sie yhm Gott het zcu gefügd/
Denn die heyligen sollem eynesley synn vnnnd mütt habenn
yinnerlich/ aber kundenn nicht eynesley werck vnnnd leyden
habenn eußerlich. Darumb erkennet auch Abraham diesen
Lasarus für den seynen/ vnd nympt yhn ynn seynen schoß/
B ij

*Quintus in
Lammoff*

wilchs er nicht thett/wenn er nicht gleych synnes were vnd
gefallen hette an Lasarus armut vnnnd kranckeytt. Das sey
gesagt vonn der summa vnnnd meynung des Euangeli/ das
wyr sehen/wie allenthalb der glaw selig macht vnd der vn/
glawbe verdammet.

Das dritte teyl.

NUn bringt diß Euangelion etlich fragenn mit sich/
Die erst/ Was der schoß Abraham sey/ Syntemal es
nicht eyn leyplich schoß seyn kan. Hir auff zu antwortten/ist
zu wissen/ das des menschen seel odder geyst keyn ruge odder
stadt hatt/da er müge bleyben/denn das wordt Gottis/biß
das er am iungsten tag zur hellen beschawung Gottis kome.
Darumb hallten wyr den schoß Abrahe nichts anders/ den
das wordt Gottis/ da yhm Gen. 22. Christus verheysfenn
wardt/nemlich/ Durch deynen samen sollen alle volcker ge/
segnet werdenn/ ynn diesen wortten ist Christus yhm zuge/
sagt/alls durch den yderman/ gesegnet (das ist) vonn sund
vnnnd todt vnd helle erlöset werden sollte / vnnnd sonst durch
niemand/noch durch keyn werck/ Alle die nu an diszen spruch
glewbt haben/die haben an Chustum glewbt/vnnnd sind re/
chte Chusten gewesen/vnd sind also durch den glawben/an
disz wort/von sunden todt vnd helle erlöset.

Also sind alle Vetter für Christus gepurt ynn den schoß
Abrahe gefaren/das ist/ sie sind am sterben mit festem glaw/
den an diesem spruch Gottis blieben/ vnnnd ynn das selbige
wortt entschlaffen/ gefasset vnnnd bewaret/ als ynn eynem
schoß/vnnnd schlaffen auch noch drynnen/ bis an den iung/
sten tag/aufgenommenn die/ so mit Christo sind schonn auff
erstandenn/ wie Mattheus schreybt am. 26. Capitel/wo sie
also blieben sind/gleych wie auch wyr/wenn wyr sterbenn/
vns erwegen vnnnd ergeben müssen/mitt starckem glawben

*Ant. Pacht
1. Geb. 22.*

ynd das wort Christi/da er sagdt. Wer an mich gleybt/
der wirt nymer sterbenn/oder des gleychen/vnnd also drauff
sterben / entschlaffen vnd ynd Chustus schoß gefasset vnnd
bewart werdenn/ bis an den iungsten tag. Denn es ist ebenn
dasselb wort/das zu Abraham vn zu vns gesagt ist/ alle bey/
de sagen sie vonn Christo/ das durch den wyr müssen selig
werden/ihenis aber heysst Abrahams schoß/ darumb/das
zu Abraham am ersten gesagt war vnd an yhm angfieng.

Also widderumb kann die helle an diesem ort nicht seyn
die rechte helle / die am iungstem tage angehen wirt / Denn
des reychen leychnam ist on zweyffel nicht yn die helle/ son/
dern ynd die erden begraben. Es muß aber eyn ort seyn/ da
die seele seyn kann vnnd keyne ruge hatt/ der selbe kann nicht
leyplich seyn. Darumb achten wir / diese helle sey das böse
gewissen/das on glawbe vnd Gottis wortt ist/ yn welchem
die seele vergrabenn ist vnnd verfast/ bis an iungsten tag/da
der mensch mit leyb vnnd seele ynd die rechteleypliche helle
verstoffen wirt. Denn gleych wie Abrahams schoß/ Gottis
wortt ist/darynnen die glawbigen durch den glawben rugen/
schlaffen/vnnd bewaret werdenn/ bis an den iungsten tag.
Also muß yhe widderumb die helle seynn/ da Gottis worde
nicht ist / darynnen die vnglewbigen durch den vnglawben
verstoffen sind/bis an iungsten tag/ Das kan nicht anders/
denn eynn leer/vnglewbig/sündig/böse/gewissen seyn.

Die annder frage/ Wie gehet denn das gesprech zu mit
Abraham vnnd dem reychen man. Antwort. Es kan yhe
keyn leyplich gesprech seyn / Syntemal yhr beyder leyb ynd
der erden begraben ligenn / also wenig / also auch eyn leypl/
lich zeungenn ist / die der reycher klagdt ynd der hitze. Auch
kein leyplicher finger oder wasser/des er von Lasaro begerd.
darumb muß solchs alles ym gewissenn zu gehenn auff die

B ij

V. G. J.

weyße. Wenn das gewissen ym sterben oder sterbens nöthen
eröffend wirt/ so wirt es gewar seyns vnglaubens/ vnnnd
sihet denn allererst den schoß Abraham vnd die drynen sind/
(das ist) das wortt Gottis / daran es solt glewbt haben/
vnnnd hats nicht than / dauon es denn die aller grösst peyn
vnnnd angst/wie ynn der hellen/hatt / vnd findet keyn hülffe
noch trost/ Da heben sich den solche gedancfē im gewissen/
die solch gesprech hieltten/wenn sie reden kundten/wie dieser
reyche mit Abraham helle / vnnnd sücht denn / ob yhm das
wortt Gottis vnnnd alle die dran glewbt haben/helffen wol-
len / so engsilich / das es auch den aller geringsten trost/von
dem aller geringsten anehme / vnnnd kann yhm nicht werden
Denn Abraham antwordet yhm (das ist) seynn gewissen
nympt eyn solchenn verstandt von dem wortt Gottis/das
nicht seyn kan/ sondern habe seyn teyl an seynem lebē dauon
braecht/ vnnnd müsse nro leydenn/ aber die andern getröstet
werdenn die er verachtet hat.

Zu letzt fület er das yhm gesagdt wirdt/ es sey eyn grosse
Kluft zwiffchen yhn vnnnd den glewbigen gemacht / das sie
nymer kundenzu samen komenn. Das sind die gedancfenn
der vertzweyfflung/wen das gewissen fület das yhm ewig-
lich das wortt Gottis entsaget vnnnd yhm nymer zu helffen
sey. Darnach ringenn die gedancfenn seyns gewissens/ vnnnd
woltenn gern/das solchs die lebendigenn wüßten/das also
zu gienge ynn sterbens nöthen/vnnnd begerd/das yhn ym ande-
sage/Aber da wirdt auch nicht auß / denn er fület eynn ant-
wordt ynn seym gewissen / das gnüg sey an Mose vnd pro-
pheten/den sollen sie glewbenn / wie er auch solt thann ha-
ben. Solchs handelt sich alles zwiffchenn eym verdamp-
ten gewissen vnnnd Gottis wortt ynn der sund des tods oder
tods nöthen / Vnnnd kann keyn lebendiger ynnen werden/
wie es gehet/denn deres erferet/ Vnd der es erferet/wolt/das
sie es wüßten/aber es ist ymb sonst.

Die dritzte frage. Wenn solchs geschehen sey / vnnnd ob
der reiche man noch teglich on vnterlaß solchs leyde / bis an
den iungsten tag / Das ist eyn subtile frage vnnnd nicht leicht /
lich zuuerantworten / fur den vnerfarnen. Den hie muß man
die zeyt auß dem synn thun / vnnnd wissenn / das ynn yhener
welle nicht zeyt noch stund sind / sondernn alles eyn ewiger
augenblick / wie Sanct Petrus am zweyten Pet: am zweyt-
ten sagt. Darumb achte ich / das ynn diesem reichen man
angerzeygt sey / wie es allen vnglewbigen gehen wirt / wenn
yhr augen ym sterben / oder sterbens nōtten auff than werdē /
Wilchs geschehen kann eyn augenblick lang vnnnd darnach
widder auff hören / bis an iungsten tag / wie das Gott gefel-
let / denn keynn gewiß regel hyr auff gestellet werdenn mag.
Daher ich nicht sagen thar / das der reiche man noch yzt
also leyde / wie er dazū mal gelieden hat / auch nicht leucken /
das er noch so leyde / denn es stehet ynn Gottis willkor bey-
berley. Vnd vns gnūg ist / das vnns anzeygt ist eyn exempel
vnd anfang des leydens aller vnglewbigen.

Die vierde frage / Ob man auch für die todten bitten sol-
le / weyl hie keyn mittel standt angerzeygt wirt ym Euange-
lio / zwischenn dem schoß Abrahe vnnnd der hellen / vnnnd die
ynn Abraham schoß des nicht bedürffen / vnnnd denen / die
ynn der helle sind / nit nūzet. Antwort. Wyr haben keyn ge-
bot vonn Gott fur die todten zu bitten / Darumb niemandt
dian sundigen kann der nicht fur sie bittet. Denn was Gott
nicht gepotten hatt oder verpottenn hatt / daran kann sich
niemandt versundigen. Doch widderumb / weyl Gott vns
nicht hatt lassen wissen / wie es vmb die seelen stett / vnd wyr
vngewiß seyn müssen / wie ers mitt yhn mache / wollen vnd
künden wyr denen nicht weren / noch zcu sunden machenn /
die da fur sie bitten.

Denn wyr yhe auß dem Euangelio gewyß sind/das viel todt
ten aufferweckt sind/wilche wyr bekennen müßenn/das sie
yhr endlich vireyl nicht empfangen gehabt habē. Also müß
gen wyr auch noch nicht von yrgent eynem andern gewyß
seynd/das er seyn endlich vireyl habe.

Die weyl nu solchs ungewiß ist/vnnd nicht wissen/ob
die seel verireyelt sey/ists mitt sund/das du für sie bittest/
aber auff die weyse/das du es ungewiß lassst bleyben vnnd
sprechst also. Lieber Got/ist die seel ynn dem stand/das
yhr noch zu helffen ist/So bitt ich/wollust yhr gnedig seyn.
Vnnd wenn du das eyn mal oder zwyr than hast/szo laß es
güt seyn/vnnd besilch sie Gott/Denn Gott hatt verheyst
sen/er will ons hören/was wyr bitten. Darumb wenn du
eyn mal odder drey gepeten hast/solltu glawben das du er
höret seyß/vnnd nymet bitten/auff das du Gott nicht ver
suchst odder mißtrawist.

Aber das man ewige messz/vigilien vnnd gebett drauff
stiffet/vnnd alle iar plerret/als hetz Got für dem iar nicht
erhöret das ist der teuffl vnnd der todt/da wirdt Gott ver
spötet/mit vnglawbenn/vnnd ist solch gepett eyn lautter
lesterung Gottis/Darumb hüt dich da für vnnd gehe des
abe/Gott frage nicht nach ierlichenn stiffungen/sonderm
nach eym herglichen/andechtigem/glewbigem gepett das
selb wirdt denn seelen helffen/soll yhn etwas helffen. Vi
gilien vnnd Messz helffen wol der psaffenn/münchen vnnd
Nonnen beuchen/Aber den seelen ist nichts da mit geholffem
vnnd Gott nur da mit geschendet.

Hastu aber ynn deynem hauße eynn rumpel geyst odder
pollter geyst/der da für gibt/mann soll yhm mitt Messenn
helffen/denn sollen gewislich für eyn teuffel halten. Es
ist noch nie keyne seel vō anfang der welldt erschynen/Gott
wills auch nicht habenn. Denn hie sibest du ym Euangelio/
das Abraham dem reychenn nicht gestattenn will/das eyn
todter die lebendigenn lere/sondern weyßet sie auff Gottis
wortt yh

wort ynn der schrifft vnnnd spricht. Sie haben Mosen vnd die propheten / Laß sie die selben hören. Da mit sibet Abraham auff das gepott Gottis. Deutro. 18. vnd er ynnert vns desselben/da Gott spricht. Du solt nicht vonn den todten forschen. Darumb ist gewiß eytel teuffels gespenst/das sich erlich geyster lassen beschweren/ vnd bitten vmb so viel vnd so viel messen/ solch vnnnd solch walfart odder ander werck/ vnnnd erscheynen darnach mit klarheyt/geben fur/sie sind erlöset. Damit schaffe der teuffel den yrthumb / das die leute vom glawben auff die werck fallen/vnd meynen/ die werck vermügen solch gross ding/ vnnnd wirt also erfüllet. das. S. Paulus verkündigt hatt. z. Thessa: z. Das Gott krefftige yrthum vber die vnglerobigen sendet.

Darumb sey klüg/vnd wisse / das Gott will vns nichts wissenn lassenn/wie es mit den todten zcu gehe/auff das der glawbe raum behalte durch Gottis wort/ß da glawbt/das Gott nach diesem leben/ die glawbigenn selig macht/die vns glawbigenn verdammet. Wenn dyr nu eyn pollter geyst fur kompt/so achte seyn nicht/ vnd sey gewiß/ das der teuffel ist/ vnnnd stofft yhn mit diesem spruch Abraham. Sie habenn Mosen vnnnd die propheten. Item mit dem gepott Gottis. Deutro. 18. Du solt nichts vonn den todten forschenn/ So wirt er sich bald drollen/drollt er sich nicht/so laß yhn poltern/bis ers müde wirt vnnnd leyde vmb Gottis willen ynn festem glawben seynen müerwillen.

Vnnnd obs müglich were/ das gleych eyn seele oder güter geyst were / so sollen doch nichts vonn yhm lernen noch fragen/weyl es Gott verpotten hatt/ Denn darumb hatt er seynen Sonn selbs gesand / das er vnns alles leret/was vns zu wissen nott ist/ Was vnns der selb nicht geleret hatt/das sollenn wyr gern nicht wissen wollen / vnnnd vns benügenn

C

lassen an der heyligenn Apostel lere/ durch die er vnns predi-
get hatt. Doch dauon hab ich weytter geschriebenn ynn der
postillen am blatt fffz vnd z vnd ym büchlin vonn der
Messzen/da magstu mehr dauon lesen.

Also das wyr auch ein exempel sagen/lesen wyr ynn der
hystoria tripertita vonn eynem Bischoff der gen Corinthon
kam/da er zum Concilio zoch/vnd als er nit füglich herberg
fand/ fur sich vnd seyn gesind/sahe er eyn wust hauß stehen
verschlossen/vnd fragt/ob man da selbes nicht kund herber-
gen/da wart yhm geantworttet/es were so vngheure dryn-
nen/das niemant drynnen wonen kund/vnd weren viel mal
die leute des morgens todt drynnen funden/da macht er nicht
viel wort/vnd hieß stracks eynziehen / vnd lag die nacht
drynnen/ Denn er sahe wol/das teuffels gespenst war/vnd
hatte ein festen glauben/das Christus des teuffels herr were/
darumb veracht er yhn/vnd zoch zu yhm eyn/ Da wart das
hauß durch sein beten vnd herbergern frey/das hynfirt kein
rumpelln noch vngewere drynnen gehörte wart. Siche/
da sibestu/das es teuffel sind/ die rumpel geyster. Vnd das
nicht viel mit yhn zu disputirn ist / sondern mit frölichem
glauben soll man sie verachten/ als weren sie nichts.


Item also liehet man vonn dem Bischoff Gregorio
Cappodocie / das er vber das welsche gepirge zoch / vnd
herberget bey eym heydnischen kirchner / der hatte eynn Ab-
gott/der antworttet yhm / was er fraget / vnd neeret sich
des selben handells/das er den leuten heimlich dinge saget/
Dauonn wisse nu der Bischoff nichts / vnd zoch mor-
gennsseyne strasse . Aber der teuffel kundte des heyligenn
mans gebett vnd gegen wertickeyt nicht leyden vnd floch
auß dem haufe/ das der kirchner hynfirt nicht mehr kunde
weyßsagen/wie vorhynt/da er nu seynem abgott rieß vnd


henlet vmb seynen schaden / erscheyn yhm das teuffelin ym
schlaff / vnd sprach. Es were seyne schuld / das er den Bisch/
offt geherberget hette / für wilchem er nit hette kund bleyben.
Der kirchner eylet dem Bischoff nach / vnd klagt yhm / das
er yhm seynen Gott vnd narunge veriagt hette vnd der her/
berge vbel gedanckt. Da nam der Bischoff papyr vñ schreib
kurtz also. Gregorius / Dem Apollini meynen grus zuuor.
Ich erleubedyr zu thun / das du vorhyn than hast / Gehab
dich wol. Den brieff nam der kirchner vnd legt yhn bey sey/
nen abgott / da kam der teuffel wieder vnd thert wie vorhyn.
Zu lezt gedacht der kirchner / Wilche eyn geringer Gott ist
myr das / der sich vñ diesem gast / der eyn mensch ist / treyben
vnd furen lesse / vnd macht sich auff zu dem Bischoff / vnd
ließ sich leren vnd teuffen / vnd nam also zu / das er eyn
trefflicher Bischoff wart zu Cesarien yn Cappodos
cia / nach dieses Bischoffs todt. Sibe / so eyn
fellig gehet der glawb daher / vnd handelle
doch so freydig / sicher vnd mechtig eyn
her. Also thu auch deynen
pollter geystern.

Dypteris nunc opud
unpse unly
f. f. f. f. f.

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]









Th
5975